

景岳全書

卷三
疔



景岳全書卷之三十九人集

婦人規下

會稽 張介賓 會卿著

山陰 俞士琳梅村氏訂

產育類

滑胎 三十二

妊娠滑胎之法惟欲其坐草之期易而且速而難易之由則在血之盈虛不在藥之滑利蓋血多則潤而產必易血虧則滯而產必難故於未產之前但宜以培養氣血為主而預爲之地如四物湯滑胎煎五福飲小蓳煎八珍湯之類卽皆滑胎



南京中医药大学图书馆版权所有

之要藥若不知此而過用滑利等物或產期未近無火無滯而妄用清火行氣沉降若寒等藥必皆暗殘營氣走泄真陰多致血虧氣陷反爲臨期大害若果肥盛氣實者則紫蘇飲保生無憂散滑胎枳殼散之類皆可擇用

催生三三三

凡妊娠胎元充足弼月而產熟落有期非可催也所謂催生者亦不過助其血氣而利導之耳直待臨期乃可用脫花煎或滑胎煎隨証加減主之或經日久產母困倦難生俱宜服滑胎煎以助其氣血令兒速生其有氣虛無力艱於傳送者必用獨參湯隨多隨少接濟其力皆爲催生要法若期未至而

妄用行氣導血等劑以為催生亦猶摘方苞之萼據宋人

一臨盆將產腹痛已甚凡催生之藥無如脫花煎少用肉桂之苗耳

七分為最穩最妙若氣虛無力者加人參二三不虛其名在

一催生若水血下多子道乾澀難出者宜用滑利之物如豬脂蓋加用之

油蜜酥油葱白葵子牛乳滑石榆白皮之類以潤之亦濟急

滑胎催生論外方

達生散婦四十

生化湯婦四二

加味芎歸湯婦四四

良方當歸湯婦五

經驗滑石散婦五二

佛手散婦四一

穩婆三四

產婦臨盆必須聽其自然弗宜催逼安其神志勿使驚慌直待
花熟蒂圓自當落矣所以凡用穩婆必須擇老成忠厚者預
先囑之及至臨盆務令從容鎮靜不得用法催逼余嘗見有
穩婆忙冗性急者恐顧此失彼因而勉強試湯分之指之逼
之使下多致頭身未順而手足先出或橫或倒爲害不小若
未有緊陣不可令其動手切記切記又或有生息不順及
胎未下之類但宜穩密安慰不可使產母聞知恐驚則氣散
愈難生下又常見有奸諛之婦故爲哼訝之聲或輕事重報
以人已能以圖酬謝因致產婦驚疑害尤非細極當慎也
立齋醫按載一穩婆云止有一女於分娩時適當巡街待御行

牌取我視其內室分娩女爲此驚嚇未產而死後見侍御更以威顏分付道視產母胎雖順而頭偏在一邊此時若以手入推正可保順生因畏其威不敢施手但回稟云此是天生天化非人力所能因是子母俱不能救由此觀之可見產時當用靜鎮自然而一毫驚恐疑畏有不可使混於其間者

產要三五

凡孕婦臨月忽然腹痛或作或止或一二日或三五日胎水少來但腹痛不密者名曰弄胎非當產也又有一月前或半月前忽然腹痛如欲產而不產者名曰試月亦非產也凡此腹痛無論胎水來與不來俱不妨事但當寬心候時可也若果

欲生則痛極連腰乃將產也蓋腎繫於腰胞繫於腎故耳又
試捏產母手中指本節跳動卽當產也此時兒逼產門穀道
挺迸水血俱下方可坐草試湯瓜熟蒂懸此乃正產之候也
一產婦腹痛未甚且須寬心行動以便兒身舒轉如腰腹痛甚
有產之兆卽當正身仰臥或起坐舒伸務宜安靜從容待兒
轉身向下其產必順而且易最不宜預爲驚擾入手以致難
婦氣怯胞破漿乾使兒轉身不易則必有難產之患

一產婦初覺欲生便須惜力調養不可用力妄施恐致臨產之
力若男方轉身而用力太早則多致橫逆須待順而臨門一
逼自下若時候未到用力徒然

一臨產房中不宜多人喧嚷驚慌宜閉戶靜以待生

一將產時宜食稠軟白粥勿令饑渴以乏氣力亦不宜食硬

難化之物恐產時乏力以致脾虛不能消化

則產後有傷食之病

一產婦產室當使溫涼得宜若產在春夏宜避陽邪風是也產

在秋冬宜避陰邪寒是也故於盛暑之時亦不可衝風取涼

以犯外邪又不宜熱甚致令產母頭疼面赤亦不宜人衆

熱氣熏蒸亦致前患其或有熱極煩渴而血暈血溢者亦可

少與涼水暫以解之然亦不可多用若冬末春初餘寒尚盛

產室不可無火務令下體和煖衣被亦當溫厚庶不爲寒氣

所侵可免胎寒血滯難產之患且產後胎元既落氣血俱去

乘虛感邪此時極易故不可不慎

一凡富貴之家過於安逸者每多氣血壅滯常致胎元不能轉動此於未產之先亦須常為運動庶使氣血流暢胎易轉則產亦易矣是所當預為留意者

一妊娠將產不可筮卜問神如巫覡之徒哄嚇謀利妄言凶險禱神祇保產婦聞之致生疑懼夫憂慮則氣結滯而不順多至大產所宜戒也

一產時胞漿未下但只穩守無妨若胞漿破後一二時辰不生

即當服催生等藥如脫花煎滑胎煎或益母丸之類蓋漿乃

養兒之生漿乾不產必其胎元無力愈遲則愈乾力必愈

產婦與酒不可多而致醉凡產前醉則乏力而四肢不用產

後酒多恐引入血分四肢致後日有動血及四肢無力骨疼痛之患

六逆產三六

一橫生者以兒方轉身產母用力逼之太早故致兒身未順而先露手臂但令母安然仰臥穩婆以手徐推兒臂下俾令其正直復以中指摸其肩弗使臍帶攀繫卽生○二側生者因兒未及轉身產母努力故令兒先露足令母正臥以手徐推足入良久仍推兒身徐俟轉正近門卽生○三偏生者因兒未順生路產母努力逼兒頭偏一邊雖若露頂實額角也亦照前法推正卽生若兒頂後骨偏挂穀道傍以手從外後傍輕輕托正卽生○四礙產者兒身雖順明路雖正但不能下

乃因胎轉時臍帶絆肩而然令產母仰臥以手輕推兒向上
乃用中指按兒兩肩理順臍帶即生○五坐產者因兒將生
其母疲倦久坐椅褥抵其生路而然須用手巾一條按壓
處令產母以手攀之輕輕屈足舒伸以開生路兒即順生○
六盤腸產者臨產母腸先出子產而腸未收故曰盤腸產古
法以醋水各半盞默然喚產母面背則收一法以草麻子四
十九粒研爛塗母頭頂待腸收上急洗去俗以水噴面背驚
之而腸亦收但恐驚則氣散反致他疾戒之

一方治橫逆產難令產母仰臥以小針刺兒手脚心三五次用
鹽擦之手脚即縮上轉身即生

一方治盤腸產以半夏爲末用少許搐鼻中腸自上
又方用大紙撚以蒜油潤滲點著吹滅以烟薰產婦鼻中腸上
又方腸出盛以潔淨漆器濃煎黃芪湯浸之腸卽上

胞破產難三七

凡產婦胎未順而胞先破者其因有二蓋一有母質薄弱胞衣
不固因兒轉動隨觸而破者此氣血之虛也一有兒身未轉
以坐草太早用力太過而胞先破者此舉動之傷也若胞破
久而水血乾產路澁則見難下宜急用大料四物湯或五物
煎脫花煎滑胎煎五福飲當歸湯之類助其氣血并濃煎葱
湯熏洗產戶使其煖而氣達則自當順下若持久力乏血已

耗涸則甚危矣當用八珍湯料一斤益母草四兩水數碗煎熟不時飲之亦有得生者或以黃芪芎歸數斤以大釜煎氣氤氳滿室使產母口鼻俱受其氣亦良法也○太抵產難之証多患於鬱悶安佚富貴之家治法雖云胎前清氣產後補血然不可拘泥若脾胃不健氣血不充必當預為調補不然臨產必多患難

一產難經日不下別無危証者宜用脫花煎催之極妥極妙
一醫宿客店治店婦臨產數日不下下體俱冷無藥甚窘令取椒橙葉茱萸共煎湯一盆令產婦以小瓷坐盆內薰洗良久小腹皆煖氣溫血行遂產

一方以紫蘇煎湯薰洗大抵遇嚴寒時月產从傷冷氣血必凝
此薰洗之法亦要法也外以淋湯內以羊肉湯必效

一方令產婦以自已髮稍含於口中令其惡心治嘔即下亦治胞衣不出

胞衣不出 三八

胞衣不出有以氣血疲弱不能傳送而停閣不出者其証但見
無力而別無痛脹治當補氣助血宜速用決津煎或滑胎煎
保生無憂散局方黑神散之類主之○有以惡露流入胞中
脹滯不出者蓋兒既脫胞帶必下墜故胞在腹中形如仰葉
仰則盛聚血水而脹碍難出惟老成穩婆多有識者在以手
指頂其胞底以使血散或以指摸土口拏開一角使天之傾



瀉則腹空自落矣。○又一法以木婦頭髮攪入喉中使之作嘔則氣升血散胞軟亦自落矣。凡胎胞不出者多死。授以此法甚效。○若血滲胞中停蓄既久而爲脹爲痛或喘或急則非逐血破血不可也。宜速用奪命丹或用失笑散以散之。調服使血散脹消其衣自下。若氣血兼虛者亦惟決津用心養之。一方用草麻子仁一兩研爛貼母右足心衣下速洗天紋則腸亦出如腸不收卽以此膏塗腦頂則自入。

一方用紅花一兩酒煮濃汁服

一法用產婦鞋底炙熱熨小腹上下卽出

一方用皂角刺燒爲末每服一錢溫酒調服

胞衣論外方

牛膝散

婦四九

胞衣不下腹脹

氣脫血暈三九

產時胎胞既下氣血俱去忽爾眼黑頭眩神昏口噤昏不知人
古人多云惡露乘虛上攻故致血暈不知此証有二一曰血暈
曰氣脫也若以氣脫作血暈而用辛香逐血化痰等劑則立
刻斃矣不可不慎也一氣脫証產時血既大行則血去氣
亦去多致昏暈不省微虛者少頃即甦大虛者脫竭即死但
察其面白眼閉口開手冷六脉細微之甚是即氣脫証也速
用人參一二兩急煎濃湯徐徐灌之但得下咽即可救活若



北京中医药大学图书馆版权所有

少遲延則無及矣余嘗救此數人無不隨手而愈此最要法也又嘗見有禁參而斃者云新產後不可用參用參則補佳惡血必致爲害卽勸之亦不肯用直待斃而後悔者亦數人矣又有云產後必過七日方可用參此等愚昧訛傳不知始自何人悞人不淺萬萬不可信也口一血暈之証本由氣虛所以一時昏暈然血壅痰盛者亦或有之如果形氣脉氣俱有餘胸腹脹痛上衝此血逆証也宜失笑散若痰盛氣粗宜二陳湯如無脹痛氣粗之類悉屬氣虛宜大劑芎歸湯八珍湯之類主之口一猝時昏暈藥有未及宜燒種錘令赤用器盛至床前以醋沃之或以醋塗口鼻令酸氣入鼻收神卽醒